

Universitätsbibliothek Paderborn

Ars Semper Gavdendi

Demonstrata Ex Sola Consideratione Divinae Providentiae Et Per
Adventvales Conciones

Laetitiae Perfectae Artificivm In Conscientiae Recta Efformatione
inuentum, & per Adventvales Conciones expositum ac demonstratum

Sarasa, Alfonsus Antonius de

Antverpiae, 1667

§. III. In quo consistat poena quam animus sentit ex Conscientiae
tormento, & quanta haec sit, ampliùs declaratur.

urn:nbn:de:hbz:466:1-11367

mo, in ipso sceleris articulo, peccantem Apparitoris vices agens adoritum Conscientia, & è vestigio in jus trahit. Deinde, nullā motā interpositā, actionem instituit, crimen objicit, & factum evincit. Tertiū, sententiam actutum pronuntiat, actum malē, actum impie, actum sceleratē. Quartū denique, sententiam à se latam inoueat idem, atque exprobrat modis omnibus sceleris commissi immanitatem.

*Voluntas in
hi accusa-
tionibus à
nullo habeat
patrocinii,
sed sola ab
omnibus
desertetur.*

Vbi tum ea quæ te ad peccandum perpulere phantasmatum? 18.

vbi quæ ab blandiebat vultus species? vbi rationes quæ sceleri patrocinabantur? vbi qui necessitatem abutendi corporis, voluntatisbusque indulgendi, prætexebat appetitus? vbi quæ rem licitam esse clamabant argumenta? vbi naturæ præsidio tactæ affectiones? vbi faces libidinis? vbi qui seditionem excitarunt insanæ affectiones? Resederunt omnia commissa scelere, & rem male actâ, tumultuantis ad instar plebeculæ, viso judice, aufugere, teque in ipsis Conscientiæ manibus perfide destituere, hoc est, Judicis, imò carnificis tui, permiserunt arbitrio. Egregios enim uero caussæ perditæ patronos & aduocatos! Hoc nempè erat quod addixere patrocinium, clientem perdere, & perditæ caussam prodere. Neque id mireris inquit D. Chrysostomus, *Ea enim peccati natura est, ut priusquam omnino perpetratum sit, hominem temulentia afficiat: posteaquam autem expletum ac perfectum est, tunc en voluptas sese proripiatur & extinguitur.* Ac solus jam deinceps stet accusator; Conscientiâ nimirum carnificis locum obtinente, ac peccatorem lancingante, ab eoque extremas penas exigente, ac plombo quouis grauius ipsi incumbente. Ita Chrysostomus & rem ipsam describit gnauiter, & quæ à me dicta sunt, suâ auctoritate penitus confirmat.

S. III.

*In quo consistat poena quam animus sentit ex Conscientie tor-
mento, & quanta hac sit, amplius declaratur.*

*Principius
cor, ita Cō-
scientia a-
nimæ pec-*

R Estat explicandum modò, quid tandem sit exquisitissimus ille dolor, quem ex Conscientiæ suæ carnificinâ tormentisque immisis animus percipit. Quod ut agam magno erit usui, ea quam

D. Chrys.
epist 7. ad
Olympia.
dem.

19.

quam modò D. Chrysostomus protulit, plumbi comparatio, dum ^{rati ream}
Conscientiam afferit carnificis ad instar, animam opprimere, ac ^{suffocat.}
plumbo quouis granius ipsi incumbere. Per placet, inquam, elegans
comparatio. Prout enim contingit non raro sinistro lateri indor-
mientibus, ut sanguinis ex hepate defluentis grauedine, quam
Iacobum Medicis vocant, vndique opprimatur cor, eique mole
suâ infestus adeò incubat, quasi si plumbo premeretur: vnde
contingit palpitare cor, angi viscera, & spiritum quadammodo
intercipi ac suffocari; dum sanguinis cordi imminentis vi, & vim
eluctantis cordis conamine, anima perstringitur & contrahitur;
atque in ipso eluctandi conamine & renisu angores patitur ex-
quisitos. Ita prorsus cùm acerimus accusator, Conscientia
inquam, animæ nocenti incubat, judiciumque intentat grauissi-
mam in caussâ etiam grauissimum; contrahit sese illicet cor, labascit
animus. Ut clarius loquar, contrahunt sese præterita desideria,
qua cor ipsum jucundo quodam calore demulcebant; labascunt
actiores sanguinis spiritus, affectionum naturalia nutrimenta;
& sic tandem deficit animus, contractus metu, vigore omni desti-
tutus, neque deficientem spiculum lubet, ne ad solita quidem offi-
cia deinceps explicare.

Atque hæc demùm virtutis natuæ destitutio, hoc animi deli-
quiūm & angor, pœna est seu passiuus, vt planè loquar, dolor,
quem animus ex stimulorum à Conscientiâ ingestorum aculeis
persentiscit. Dolor autem hic in tribus maxime animi actioni-
bus consistit. *Primo*, quidem in facti pœnitudine: quæ nihil est
aliud, quam ingens desiderium, factum non fuisse quod factum
est, seu commissi sceleris Detestatio. Hæc prima mentis lucta.
Secundo, dolor exoritur ex improbo conamine, quo vim Conscien-
tiæ eluctari mens nititur, & exprobationes quas vndique & sine
intermissione ingerit accusator, conatur aut non audire, aut à se
penitus amoliri. Quod dum nequidquam tentat, *tertius* subori-
tur dolor animo, ineluctabilis nempe pudor & verecundia, quâ
mens obducitur tum præsenti exprobatione Conscientiæ impeti-
ta, tum etiam timore futurorum quas sibi certò scit quotidie in-
gerendas. Hinc animo sic contracto & doloribus fracto, subori-
tur tandem odium quoddam, aut saltem tœdium sui. Pudet
enim hominem sui, neque pudoris caussam potest excutere,
quamdiu ipsemet sibi est pudoris justa materia. Et sic verum est

In quibus
affibz co-
fusat dolor
quem ex
Conscien-
tia stimulis
percipit a-
nimæ.

Maximus
dolor, à seip-
soturum
pati,

quod dicit Seneca: *Prima & maxima peccantium pœna est, pec- Seneca
casse: ob pudoris nempè incussi, identidemque incutiendi acri- epist. 97.*
moniam. Nam ut recte paullò post subjicit, *numquam fides la-*
tendi fit etiam latentibus: quia coarguit illos Conscientia, & ipsos
sibi ostendit. Ita ille. Se autem dum sibi ostendit, non alium ostendit quām hominem improbum & sceleratum. Hæc autem conuictia semper excipere, neque ab iis ferias dari aut promitti; tormentum est sanè, vti ineuitabile prorsus. (quis enim se evitet?) ita & intolerabile prorsus, cunctisque pœnis tormentum majus: nihil enim est intolerabilius, quam ab amico conuictum pati. Et quis magis amicus est homini, quām quisque est sibi? Hinc magis est impatibile, quod reus sceleris patitur non ab alio, sed à seipso; neque aliud ullum huic tormento est comparandum.

Maximum à propriâ Conscientiâ doloré causat, probatur in A-
dame. Quid enim? Quid, inquam, tantopere, miserum, peccatorem 21.
nempè, Adamum affligebat? An secura mors, an morbi, an
inedia, an subortura terræ sterilitas, sudoris laborisque deinceps
futura materies, & sceleris à se commissi vindicta? Certè mala
hæc, nec experientiâ suâ nouerat, neque adeò nosse poterat indicio alieno. Incogniti autem quis potest esse tantus timor? Mouet
quæstionem hanc D.Chrysostomus, eamque dissoluit. *Quare, in-*
D.Chrys.
quit, dic oro, quare timuit? Quoniam videbat sibi trucem stare accu- homil. 17.
satorem, Conscientiam dico: neque enim alium objurgatorem habebat
in Gta.
& testem peccatorum, sed unicum illum quem intrinsecus circumferre-
bat. Ita ille & recte. Objurgatorem certè alium non habuit:
quem enim habere tum poterat nisi Deum, cùm ab Euâ sceleris
complice nihil esset magnoperè metuendum. Quid verò Deus?
an accurrit forsitan itâ feruidus, audiisque vindictæ? minimè
verò; Deambulabat, ait sacer textus, *in paradiſo ad auram post* Gen. 3.
meridiem. Non est sanè ferocientis animi indicium, hæc tam
pacifica deambulatio; neque vindictam multum spirat, qui amœ-
nas sic quasi per otium captat auras. Et tamen, *cum audissent vo-*
cem Domini Dei deambulantis in paradiſo ad auram post meridiem,
abscondit se Adam, & uxor eius a facie Domini Dei in medio ligni
paradiſi. Atqui truculenta non erat facies Dei, sed placida, sed
amœna: eam tamen fugit Adam. An forsan vocem grauiorem
intorquet Deus offensi animi manifestum indicium? Ne hoc qui-
dem habet Adam timoris sui argumentum. *Vocavitque Dominus* 4.9.
Dens Adam, & dixit ei, Vbi es? quid dici poterat modestius?
quid

quid etiam amicabilius, quam deambulationis suæ comitem peruestigare? Et tamen intra latebras suas sese continet fugitiuus:
 v.10. qui ait, *Vocem tuam audiri in Paradiſo, I' timui quod nudus essem,*
I' abscondi me. Non quod nudus es̄t̄ timebas Adam, sed quod
 peccator, p̄textum quāris v̄recundia, sed cauſam d̄ſſimulas.
 Quid enim terrere poterat tantoperē cognita & amica vox? non
 vociferatur, non indignatur, non exprobrat quidquam; blandē
 tantū rogat, *Vbi es?* Hęc cīne timoris aut pudoris est materies?
 Est sanè & quidem maxima. Quò enim blandior placidiorque
 erat Numinis offensi vox & oratio, eo rancidior erat seueriorque
 Conscientiæ internus clamor, illud ipsum acerrimè exprobrantis,
 nemp̄ mulieris amore, amicitiæ tam placidi & amœni Numi-
 nis esse p̄latum, contemptamque illius Dei sanctissimam auto-
 ritatem, qui etiam offensus, nihilominus secum agat tam bene-
 uole & amicē. Conscientiæ itaque vox proſus erat horrida; &
 quia minimè adhuc Adamo expertum, primum maximumque
 tormentum. Grauis profeſtō vox & plane horribilis, quæ tumul-
 tu & strepitu quem in Adami animo excitarat, etiam Dei deam-
 bulantis vocem suauissimam & amœnissimam, auribus infelicis
 viri horrendam reddebat & intolerabilem. Nam inter clamores
 streperos vociferantis Conscientiæ, blanditias suas amœnitatem-
 que. Diuina vox amiserat. Et sic qui vocem ambulantis Dei au-
 diuit, vocem exprobrantis Conscientiæ ferre non potuit. Illam
 audiuit, sed hanc timuit: fugit & abscondit se. Se tamen non effu-
 git, suus posthac futurus carniſex.

22. Ingens proculdubio tormentum hoc ut sit necesse est; cūm vt
 p̄clarè animaduertit D. Ambroſius, Deus, grauissimè tamen
 offensus à primâ infelicis Adæ ſobole Caino, eum ſuperelle volue-
 rit; eiique, quamuis mortis leo, de mortis tameñ à quoquam illi
 inferendæ periculo cauerit, tantū ut diutiū ærumnis ſuperuiue-
 ret, & diuturnioribus Conscientiæ ſtimulis vrgeretur. Digna eſt
 quæ exponatur res. Notum eſt Caini facinus: primum fuit quod
 orbis vidit, & quidem fratris homicidium; primum, inquam,
 inuidiæ ſacrificium. Deus ſceleratum caput pro ſuo jure aggreditur;
 inquiret ſcelus, tergiuersantem vrget, denique conuin-
 cit criminis. Vindictam petit effusus cruor. Ita Deus ipſe. *Vox*
 v.10. *sanguinis fratris tui clamat ad me de terra.* Iudicem profeſtō in-
 clamat, poenas exigit ſceleri pares. Cumque jam nihil aliud ſuper-
 effet,

*Morte ipsa
duriorem
eſſe proba-
tur in Cai-*

esset, quām vt mortis sententiam in homicidam Deus ferret; ecce tibi sententiam profert vitæ. Nunc igitur maledictus eris super terram. Ita sit, sed salua vita est. Ita est. Et neque nunc tan-
tum saluam vult Deus, sed vt imposterum eius vitæ caueat: Po-
suit Deus Cain signum, vt non interficeret eum omnis qui inuenisset
eum: non immerito enim timebat infelix Cain, ne quispiam suo
exemplo ferox in vltionem occisi innocentis insurgearet. Signum
itaque aliquid, fronti verosimiliter aut appendit aut impressit
Deus, aut certè tremorem continuum, vt quidam volunt, mem-
bris indidit, vnde & dignosceretur homicida, & ab omni violen-
tiâ aut pœnâ in vindictam criminis commissi inferendâ, posthac
sciretur immunis. Deique judicio reseruatus. Salutis itaque
concessæ testimonium (saluam guardiam vocaremus modò) Cain
propalam circumferebat, omnium jam exemptus jurisdictioni &
manibus, præterquām suis. Et quidem tam luculenta erat hæc
à Deo data fides publica, vt minæ etiam grauissimæ Caini con-
seruandi gratiâ adderentur, Omnis qui occiderit Cain, septuplum ibid.
puniatur. Hic verò justitiam tuam imploro, justissime scelerum
ponderator & judex Deus. An hoc punire est scelera, an verò
dissimulare? an hanc pro clamoribus suis vindictam refert inno-
cents Abelis crux? Ignoscere si vis, ignosce; Deus es & potes
omnia. At verò pœnas sumere si constitutum est tibi, sañè pro
criminis atrocitate pœnas det. Mortem si est méritus, vt quid
morte eximitur? Vt crudelius vivat, inquit Ambrosius, & sero-
cius torqueatur. Egressusq; Cain à facie Domini, habitauit profugus v. 16.
in terrâ. Nusquam lecurus sui, quia semper secum. Cum adhuc à
Domino pœna cessaret, subiectus Ambrosius, torquebat eum suorum Ambr. in
Conscientia peccatorum. Latebat miser tremens & timens; & cum Psal. 35.
adhuc percussor deesset, ipsa sese iniusti vita cruciabat. Accepérat se-
gnum ne eum aliquis occideret; non vt vite suauitate frueretur, sed
ne mors auferret erumnam; vt percussorem suum quotidie timendo pa-
teretur. Meruerat quidem vt percussor non inhiberetur; sed sine illâ
intermissione ipse sibi suus carnifex erat, ipse percussor. En vindictæ
Divinæ justitiam, ab omni sceleris dissimulatione, ab Ambrosio
eleganter & verè propugnatam.

Animaduersione dignum est quod dicat Sanctus, vitam con-
cessam esse Caino, ne mors auferret erumnam. An ergo Conscien-
tia tormenta majora sunt, quām quæ secum fert infausta mors?

Dicam



Dicam quod res est. Non omnes Conscientia stimuli tam crudelis sunt ut morti comparentur; neque enim semper vires omnes Conscientia exerit, neque omnes quibus instructa est stimuli semper infligit. At verò rem agere cùm incipit, & grauiora quæ ad manum sunt tormenta dum admouet, tum sanè ea ingredit, quæ morte omni sunt grauiora, & quibus nullum nisi à solâ morte datur patrocinium. Experti credunt. Et rem non

*Et ex D.
Bernardo;*

*D. Bern. I.
s. de Con-
fid. c. 12.*

expertus, tamen exhorruit Bernardus Audi. Horreo, inquit, *ver-*
men mordacem, & mortem vivacem. Horreo incidere in manus
mortis viuentis, & vite morientis. Hec est secunda mors, que
numquam peroccidit, & semper occidit. Quis det semel mori, ut
non moriatur eternum!.... denique inuocabunt mortem, & non
veniet. En vitam omni morte crudeliorem. Saluberrimum
tamen supplicium; vt tandem aliquando resipiscat reus, aliisque
à se fiat conuictus sceleris, & victus vitæ tam exosæ fastidio.

Istud enim, præclarum tormentis hisce temperamentum at-
tulit, malis humanis indolens Deus, quod vim auctoritatemque
Conscientiæ in hâc vitâ vtcumque contraxerit: ne scilicet quam-
diu peccatores viuunt, omni quo posset impetu reum oppri-
mat, eique cruciando semper mordicus inhæreat. Hoc modo
in inferno carcere jurisdictionem suam Conscientia exercebit. In
hâc verò vitâ, feriæ dantur nonnumquam à tormento, & per
interualla carnificina repetitur; neque verò etiam extrema vis
adhibetur. Non enim illi ferendæ homo par eset, breuique
tempore doloris vi emarcesceret. Ea propter inquit Chrysosto-
mus & illud prouidit (nempe Deus) vt ex interuallis nobis im-
mineret Conscientie redargutio; propterea quod est admodum seuera, resipiscere.
& quouis stimulo acrius pungere soleat. Ita ille. At ego præ-
terea benigni Numinis misericordiam agnosco. Interualla tor-
mentis dat, vt de vitæ suæ rationibus immutandis, seriò pecca-
tor deliberet cùm à tormentis vtcumque liber est; quod non est
tam facile & expeditum animo prorsus languido, & doloribus
tantis præpedito.

*Non semper
vrgere
Conscien-
tiam per-
mittit
Deus, ne
peccator
extingu-
tur,*

25. Interim ingentem à Deo datam Conscientiæ auctoritatem &
potentiam, mecum si placet, perpendite; illudque tandem sta-
tuite, quantæ apud nos esse debeat venerationi. Nuda est Con-
scientia, inermis est, non fascibus metuenda aut securibus, non
virgis armata aut ferro, non catastis funibusque terribilis. Sola

*Conscientia
nulla ar-
ma habet
nisi seip-
sum.*

Qq est,

est, neque arma præ se fert, nisi quæ ipsa sibi format & suppeditat; atque illa sunt simplex rei actæ condemnatio. Interim tam acerba est hæc Conscientiæ sententia, vt totum hominem percellat & pauefaciat: vigorem omnem exsugit facti tœdio; occludit cor; suavitatem vitæ labefacit; sic ut nec edere libeat, nec commeslari delectet, nec solita gaudia afficiant, nec veteres amicitiæ placeant, nec somnus detur oculis, nec quies animo: imò ut nec viuendi quidem vlla posthac sit lubentia. Tantus animum incessit dolor. Quid autem id est quod hominem habet tam miseris modis? quid est quod mentem, imò & corpus lacinat tam crudeliter? Nihil prorsus, nisi solius Conscientiæ sibi metipsi infensæ aculeus. Sic dum agit, Deum agit.

*Adhortatio
ad peccato-
rum*

I nunc peccator, & tecum statue, an operæ pretium fuerit, 26. voluptatis momento duraturæ impendio, tam ingentes & tam perennes dolores sibi comparare? Statue, inquam, an æquum sit rationique consonum, vt corpori, natu: æque affectionibus corruptæ, uno temporis articulo placeas. sibi tam acerbum in morem toto deinceps vitæ tempore displicere. Voluptatem exiguum, & verò falsam, tormentis tam veris & diuturnis compara, & tandem erubesce. De cæteris, quæ insaniz tuæ debentur, suppliciis nunc non ago: de iis loquor, quæ modò pateris à teipso. Hæc verò si non fers, æterna cur non expauescis? Si autem fers, neque forsitan præ inueteratâ peccandi consuetudine, à Conscientiâ pungeris; aut si pungeris, nihilominus non compungeris, neque aculeos persentiscis; actum esse de te timeo: cauteriatam, vt D. Paulus loquitur, habes Conscientiam, id est adustam & sine sensu emarcidam; neque quidquam bonæ vitæ tibi factum est super, qui in tantâ dolendi materiâ, doloris sensum amisisti.

§. IV.

